

الليلة زينب بالدموع إتودع حسين

الليلة زينب بالدموع إتودع حسين

يا عظم لمصاب بوداع لحباب

أليلة زينب تلطم الرأس بعشرها يا صبرها بهذي الليلة
خايفه يطلع فجر عاشر عليها يا وليها والله مذهوله
وتنظر حسين الأخو بالحومه حاير ماله ناصر وأهله مقتوله
ويرجع إمخضب جواده وسط لخيام ويفجع أيتام براعي الصوله

للخيم يرجع وحيد إبليا خيال

ودمعه وسفه بالحزن بخدوده همال

يا عظم لمصاب بوداع لحباب

چنها باچر بالألم تصرخ يميمون وتهمي لعيون وينه والينه
من صهيلك تفرع إكلوب اليتامه وهالظلامه ترتمي إعلينه
گلي عنه بيا كتر خويه تركته شلون عفته مرمي بونينه
يا مهر سرجك فجع گلبي وشعبي والله فتني والله محزونه

وينه خويه ما تگلي بيا كتر طاح

خالي من شفتك عليه زاد لنياح

يا عظم لمصاب بوداع لحباب

خايفه باچر تهرول من الصيوان والى الميدان تمشي وتعثر
تنادي يا خويه دگلي وين طايح من المذابح مكر أتبصر
وبالفجیعة تسمعه من منحر الدم للمخيم ردي للخر
خوفي تهجم هالجیوش إكل صرامه والیتامه تفرع إبهالبر

ردي یختي للخبيا وباري هالأیتام

وإستعدي للسبا للکوفه والشام

يا عظم لمصاب بوداع لحباب

باچر إبلوعه وحزن جسمه تحضنه وياهي محنه تروع الحره
مرمي وسفه بالثرى غارگ إبدمه وينه إمه فاطمه الزهره
صارت إتغسله إودمعتها جريه والرزیه في الكلب جمره
ونادی یختي إدركيني بفاضل الماي لاهب إحشاي والله لو كطره

والله یختي إمن العطش ما بيه گوه

ما تشوفين السهم بيه إشسوه

يا عظم لمصاب بوداع لحباب